

三怡堂叢書

李子田詩集

二二

三怡堂藏書

卷之四

七

三怡堂叢書

李早田詩集

周德宣署眉

榮茂
河南
自書
同

李子田詩集序

明隆萬間鄉邦淹雅士推確山陳晦伯內鄉李子田晦伯
撰述多著錄四庫子田書爲館臣所駁獨收所選宋元詩
藝圃集而子田自爲詩遂散佚余得讀者萬歷時其兄子
雲鵠刻六李集有子田詩六卷清康熙末其縣人高元朗
輯太史集百七十首雍正時鄧州彭直上侍郎得子田儀
唐集於王阮亭尙書益以地誌石刻爲黃谷詩鈔彭高本
皆傳寫六李集曾重刻於咸豐中併爲二卷間復奪誤板
亦旋燬綜各本互校皆有出入列朝詩集諸選及子田自
書詩刻或遺焉今旁采類次去其重複得古今體詩三百

九十四首而序之曰明詩盛於弘正李何爲宗及其敝也
剽貌楊中黨同自封子田少友田深甫淵源北地晚歲王
弇州撫卽親以人才薦子田未嘗倚門戶爲名高其序宋
藝圃謂詩發于情不溺于情範于禮不著于禮阮亭諸公
皆美其闡幽抉異用救賸古之弊學識偉矣故其形於歌
詠風漪雲舒冲融秀澈博極羣籍不以堅僻炫竒放廢半
生而棄妾諸篇惜惜君國怨而不怒蓋始儒家學務爲弘
麗旣解禪悅蓋近自然賦物稱情皎然不欺若潭菊沁芳
飲頤自壽曾弗矜其神秘而人海仰沫久而彌殷宜其自
評於諸公有一日之長也世徒以其論學不滿新建溝儒

通釋放浪形骸嫌爲立異併其詩而訾之豈篤論哉予因
詩不止是其他著黃谷璫談之類聞有存者方事搜輯至
其生平出處略見高若訥所撰墓碑併爲附錄備論世者
攷焉南陽張嘉謀謹序

儀唐集自序

黃谷生儀唐集序曰儀唐集者黃谷生所自遴也儀者何
蘄其詩之若唐者也本朝詩本宗唐而迄今未有唐者黃
谷生亦何比數而顧有若跂於唐者何也程正叔以易自
命而蜀之隱人乃知易蘇長公一生禪理猶云門外漢而
乞食歌妓院者顧得其解豈是義也耶生殆有以自信矣
所謂臣於諸公有一日之長者耶是故自遴其所作也老
氏謂知我者希仲尼慨莫我知也如聖謨可尊亦將謂何
歟之後世焉爾矣萬曆辛丑歲春季日順陽李袞自序

李太史詩集小引

先生諱菰字子田一字少莊號黃谷山人其家世生平邑志甚詳獨其詩多未傳先生自四十致仕以來放浪於山巔水涯之際凡野寺荒菴與夫一邱一壑之堪玩者輒題咏其處或卽刻於其石故學者未能覩其全而今之名公鉅卿每囑仕宦之過內鄉者訪求之而亦不可得吾友陳毅可家藏一冊是其先君子所歷覽而得之也晚年有一說圖之訂版籍已失吾友許均伯家藏有寫本元朗更與諸友收拾其殘餘彙而集之求之者卽寄之以攜至京都其傳自是可廣也嗟乎先生之詩工矣先生之詩名盛矣

去今百餘年間而已湮沒有如此者然則世之有美而弗
傳傳焉而不盡如此者可勝惜哉

康熙乙酉冬邑後學高元朗王行氏題

翰林憲副李黃谷先生墓碑

中鄉李氏從來久遠而聚族於順陽者自太常公始星
海靈派實濬厥源太常公之孫貴貴子曉暉世薦鄉書
奕葉連翩瓊枝珠樹家訓俾於顏公義門均于陳氏睢
子宗木是爲杏山先生孝廉不仕文□海內□□□□
貂□詞壇鏘若鼎鐘蘇明允之有軾轍陳太邱之貽元
季杏山先生五子而伯仲並擅絕代之業伯氏諱蓼字
子田別號少莊晚年自號黃谷山人世因稱黃谷先生
云先生母□太宜人夢一羽衣翩翾扣門寤而生先生
蓋有根人也先生天挺夙慧人題妙英楊德祖之對孔

雀辯悟絕倫李長源之讚圍棋精神獨駿方幼穉時王
僉副胡憲副皆愛其穎敏試以對輒立應二公咨嗟歎
賞稱爲神駒王曾許以南宮胡遂收之東牀稍長補博
士弟子宛之參□趙公內鄉令李公俱有知人之鑒一
則試之以文一則直取其器咸謂先生一日千里過都
厯塊矣趙公微困知其迅發蓋至于後而歎先生之老
成偉度固大受者也壬子癸丑連擢高第選爲庶吉士
崑山片玉卻說射策之名瀛洲三山世南秘書之賞已
而養疴三年屬當解館自分幽谷之蘭獨秀鄰室之燭
難借願得禮兵二曹而竟授爲檢討云先生在翰林日

分宜相公當國屬諸公作□康妃挽詞少所許可獨賞
先生二篇喧傳都下延清龍門之作堪奪錦袍樂天雞
林之價遂煩金購而又不謝當奎之譽獨高國士之風
薄韓愈之踵相門陋謝觀之充幕客于時先生已味王
孟而咀錢劉燁然名世之規焉關中喬公睢州魯公均
以爲子鍾粹_因流大梁田莘野陸夢州皆从搢紳定
僑札田以文陸以博皆遜不及也先生骭髀之骨_元慕
元龍而輒軻之遇若直箕尾自翰林謫陽城邑丞搏風
失浪倏忽頓殊先生怡然安之去國無感鵬之□逆旅
有聽漁之詠以邑丞入鄉闈校士凡□七人三□二載

□專經之陋王漙崔沆美衣鉢之傳稍遷大名節推太
守姚公雅慕先生依稀王儉蓮花之幕映人彷彿江州
青衫之淚如雨其宦遊詞友亦一佳遇也先生在陽城
郡貳爲鄉人見陵後在大名郡貳張君亦見誥尋又爲
池州江□佐郡而掾江中丞爲同年友亦不見禮且蒙
面斥他人所幾攘臂扼腕而公處之裕如也不問姓名
欽呂相之有容能忘恩怨追鄴侯之無郤及遷南刑曹
禮曹留都風物謫官以爲仙籍先生攬鍾阜而眺石頭
再詠鳳台撫金陵而感江左彌窮虎踞蓋江南奇秘于
此總□多所覽觀云黔學使之命下而先生決于拂衣

矣年甫四十耳急流勇退力逼岷源之濫觴揚清激濁
甘作竹林之祭酒家居于玉泉寺建景嚴窩于孤峰下
建一悅園又有足園綠雲亭又有柰園□非達人之曠
致則空門之奧境枕石漱流依然遂初然燈咒鉢悅其
證果而少負張緒之資晚有安石之志蘇公艾子耗磨
雄心阿難登伽歛弄禪解嘗曰聞妖妓一聲清歌勝于
兩行武夫喝衛以此答林下樂也中鄉曠邈槩多佳山
水足供登覽先生宗少文之志取之衽席王右丞之詩
妙在家莊羸馬翰林村人盡識紫衣居士京塵遠卻自
謂泉石膏肓於□□太宰□□雅重先生少宰姚公先